

საქართველოს რეგიონული განვითარებისა და ინფრასტრუქტურის სამინისტრო
საქართველოს საავტომობილო გზების დეპარტამენტი



შიდასახელმწიფოებრივი მნიშვნელობის ბათუმი (ანგისა) - ახალციხის
საავტომობილო გზის (შ-1) ხულო - ზარზმის მონაკვეთის (ლოტი 1: ხულო -
გოდერძის უღელტეხილი, დაახლოებით 29 კმ და ლოტი 2: გოდერძის
უღელტეხილი – ზარზმა, დაახლოებით 17კმ) რეაბილიტაცია -
რეკონსტრუქციისათვის მომზადებული საპროექტო დოკუმენტაციის
განახლების მომსახურების შესყიდვის ერთეობიანი გამარტივებული
ელექტრონული ტენდერი

სატენდერო დოკუმენტაცია

1. ინსტრუქცია ტენდერში მონაწილეთათვის

- 1.1 სახელმწიფო შესყიდვების ერთიან ელექტრონულ სისტემაში (შემდგომში – „სისტემა“) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. იმ შემთხვევაში თუ ტენდერში მონაწილე პირი უცხოეთის მოქალაქეა ან უცხოეთში რეგისტრირებული იურიდიული პირია აუცილებლობას წარმოადგენს წარმოდგენილი იქნეს პირის რეგისტრაციასთან დაკავშირებული ინფორმაციაც დამოწმებული, ამისათვის უფლებამოსილი ადმინისტრაციული ორგანოს მიერ (საელჩო, საკონსულო და/ან სხვა ადმინისტრაციული ორგანო).
- 1.3 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და/ან ინფორმაცია ხელმოწერილი და/ან ბეჭედდამსმული (ბეჭდის არსებობის შემთხვევაში) უნდა იქნეს უფლებამოსილი პირის მიერ (საჭიროების შემთხვევაში, ატვირთული უნდა იქნეს მინდობილობა ან რწმუნებულება).
- 1.4 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.5 პრედენდენტს არა აქვს უფლება წარმოადგინოს ალტერნატიული სატენდერო წინადადება.

2. განცხადება ტენდერის ჩატარების შესახებ

შესყიდვის ობიექტი:

საქართველოს რეგიონული განვითარებისა და ინფრასტრუქტურის სამინისტროს საქვეუწყებო დაწესებულება საავტომობილო გზების დეპარტამენტი - აცხადებს ტენდერს შიდასახელმწიფოებრივი მნიშვნელობის ბათუმი (ანგისა) - ახალციხის საავტომობილო გზის (შ-1) ხულო - ზარზმის მონაკვეთის (ლოტი 1: ხულო - გოდერძის უღელტეხილი, დაახლოებით 29 კმ და ლოტი 2: გოდერძის უღელტეხილი - ზარზმა, დაახლოებით 17კმ) რეაბილიტაცია - რეკონსტრუქციისათვის მომზადებული საპროექტო დოკუმენტაციის განახლების მომსახურების შესყიდვაზე და იწვევს ტენდერში მონაწილეობის მისაღებად ყველა დაინტერესებულ პირს.

შესყიდვის ობიექტის სავარაუდო ღირებულება:

500 000.00 (ხუთასი ათასი) ლარი დღგ-ს ჩათვლით

CPV კოდი:

71320000 - საინჟინრო-საპროექტო მომსახურება

დაფინანსების წყარო:

საქართველოს 2016 წლის სახელმწიფო ბიუჯეტის სახსრები.

შესყიდვის ობიექტის მიწოდების ვადები:

ხელშეკრულების გაფორმებიდან - 3 (სამი) თვე.

სატენდერო წინადადების ფასის გაანგარიშება:

- სატენდერო წინადადების ფასი გამოსახული უნდა იყოს ეროვნულ ვალუტაში - ლარში, შესყიდვის ობიექტის მიწოდებასთან დაკავშირებული მიმწოდებლის ყველა ხარჯის გათვალისწინებით, (მ.შ. დღგ).
- პრეტენდენტი ვალდებულია სატენდერო წინადადების ფასის გაანგარიშებისას გაითვალისწინოს დამატებითი მომსახურებისათვის საჭირო ხარჯები, ძირითადი საპროექტო მომსახურების 3%-ის ოდენობით.
- სახელმწიფო შესყიდვების შესახებ ხელშეკრულების ფორმა და პირობები მოცემულია ხელშეკრულების პროექტში, რომელიც თან ერთვის სატენდერო დოკუმენტაციას. ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

3. ტექნიკური დოკუმენტაცია

3.1 შესყიდვაში მონაწილე პირებმა (პრეტენდენტებმა) უნდა წარმოადგინონ შემდეგი ტექნიკური ინფორმაცია/დოკუმენტები:

N	წარმოსადგენი ტექნიკური ინფორმაცია/დოკუმენტების ჩამონათვალი	
1	პრეტენდენტის შეთავაზება (რეკვიზიტები)	დანართი N1
2	ინფორმაცია შესყიდვაში მონაწილეობის მსურველი პირის 01.01.2006-დან 01.08.2016-მდე პერიოდში არსებული ანალოგიური ტიპის საპროექტო გამოცდილების შესახებ	დანართი N2
3	ინფორმაცია შესყიდვაში მონაწილეობის მსურველი პირის ძირითად სპეციალისტთა კვალიფიკაციის და გამოცდილების შესახებ	დანართი N3
4	პრეტენდენტის მიერ შემოთავაზებულ თითოეულ სპეციალისტის საანკეტო მონაცემები	დანართი N4
5	სპეციალისტთან გაფორმებული წინარე შეთანხმება	დანართი N5
6	ფასების ცხრილი	დანართი N6
7	ინფორმაცია დამატებითი მომსახურების შესახებ (სამუშაოები, რომლებიც არ შედის ძირითად საპროექტო მომსახურებაში)	დანართი N7
8	ინფორმაცია ქვეკონტრაქტორის მიერ შესასრულებელი სამუშაოების შესახებ (არსებობის შემთხვევაში)	დანართი N8
9	პროექტირების მეთოდოლოგია ტექნიკური დავალების შესაბამისად	

3.2 შესყიდვაში მონაწილე პირებმა (პრეტენდენტებმა) უნდა წარმოადგინონ შემდეგი საკვალიფიკაციო დოკუმენტები:

3.2.1 იურიდიული პირებისთვის:

- (1) ამონაწერი სამეწარმეო რეესტრიდან;
- (2) ცნობა ბიუჯეტის მიმართ დავალიანების არ არსებობის შესახებ;
- (3) ხელისმოწერისათვის გაცემული მინდობილობა, იმ შემთხვევაში, თუ ხელისმომწერი პირი არ არის წარმომადგენლობითი უფლებამოსილებით აღჭურვილი;
- (4) არარეზიდენტი იურიდიული პირის შემთხვევაში, პრეტენდენტმა ან მისმა ფილიალმა დამატებით უნდა წარმოადგინოს თავისი ქვეყნის შესაბამისი უფლებამოსილი ორგანოდან გაცემული ცნობა (ცნობები) რომ არ ხორციელდება არარეზიდენტი იურიდიული პირის (სათაო) რეორგანიზაცია ან ლიკვიდაცია, რომელიც (რომლებიც) დამოწმებული უნდა იყოს კანონმდებლობით დადგენილი წესით (ლეგალიზებული ან აპოსტილით დამოწმებული) და მას თან უნდა ერთვოდეს ნოტარიულად დამოწმებული ქართული თარგმანი.

3.2.2 ფიზიკური პირებისთვის:

- (1) პირადობის მოწმობის (ან პასპორტის) ან/და გადასახადის გადამხდელის სარეგისტრაციო მოწმობის ასლები;

3.3 იმ შემთხვევაში თუ პრეტენდენტის მიერ წარმოდგენილ საკვალიფიკაციო მონაცემებში რეგისტრირებულია ყადაღა/აკრძალვა ან/და საგადასახადო გირავნობა/იპოთეკის უფლება ან/და პრეტენდენტი რეგისტრირებულია მოვალეთა რეესტრში შემსყიდველი ახდენს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის (გ) ქვეპუნქტის საფუძველზე.

3.4 პრეტენდენტის მიერ წარდგენილი სატენდერო წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის (ჟ), (რ) ან (ტ) ქვეპუნქტებით გათვალისწინებული ეტაპის დადგომამდე.

3.5 ელექტრონული გარანტიის მოქმედების ვადა განისაზღვრება არანაკლებ 120 კალენდარული დღით, ტენდერისთვის სტატუსის „წინადადებების მიღება დაწყებულია“ მინიჭებიდან. იმ შემთხვევაში, თუ ელექტრონული გარანტია წარდგენილია საბანკო პლასტიკური ბარათიდან სააგენტოს ანგარიშზე თანხის გადარიცხვის გზით, სისტემა უზრუნველყოფს ელექტრონული გარანტიის მოქმედების ვადას შესაბამისი ტენდერისთვის საბოლოო სტატუსის მინიჭებამდე.

4. პრეტენდენტის მიერ წარმოსადგენი დოკუმენტაცია

4.1. პრეტენდენტის მიერ სისტემაში ტექნიკური დოკუმენტაციის სახით ატვირთული უნდა იყოს:

4.1.1. პრეტენდენტის შეთავაზება (რეკვიზიტები) დანართი N1-ის მიხედვით;

4.1.2. ინფორმაცია შესყიდვაში მონაწილეობის მსურველი პირის მიერ, 01.01.2006-დან 01.08.2016-მდე პერიოდში შესრულებული ანალოგიური ხასიათის, სირთულის და შინაარსის სამუშაოების გამოცდილების შესახებ.

- შესყიდვაში მონაწილეობის მსურველმა პირმა (ქვეკონტრაქტორთან ერთად) დანართი N2-ის მიხედვით უნდა წარმოადგინოს 01.01.2006-დან 01.08.2016-მდე პერიოდში შესრულებული ანალოგიური ხასიათის (საავტომობილო გზების და მასზე არსებული ხელოვნური ნაგებობების მშენებლობის ან/და რეკონსტრუქციის ან/და მოდერნიზაციის ან/და რეაბილიტაციის სამუშაოების პროექტირება ან/და არსებული პროექტების განახლება, რომელთა საშენებლო ღირებულება არ არის 30 მლნ. ლარზე ნაკლები) სირთულის და შინაარსის არანაკლებ 3 (სამი) პროექტი.
- მსურველმა პირმა უნდა წარმოადგინოს დანართი N2-ში მითითებული თითოეული ანალოგიური პოზიციის მიხედვით გაფორმებული ხელშეკრულებებისა და ამ მომსახურების შესრულების დამადასტურებელი დოკუმენტის ასლები (მომსახურების გაწევის აქტი, ან/და გაწეული მომსახურების მიღება-ჩაბარების აქტი, ან/და დამკვეთის მიერ გაცემული გაწეული მომსახურების დამადასტურებელი ცნობა).

შენიშვნა: ეს მოთხოვნა არ ვრცელდება საავტომობილო გზების დეპარტამენტის დაკვეთით შესრულებულ მომსახურებაზე.

4.1.3. ინფორმაცია შესყიდვაში მონაწილეობის მსურველი პირის მიერ შემოთავაზებული სპეციალისტებისთა კვალიფიკაციის და გამოცდილების შესახებ დანართი N3-ის შესაბამისად.

- შესყიდვაში მონაწილეობის მსურველ პირს ტენდერით გათვალისწინებული მომსახურების გასაწევად სასურველია ჰყავდეს ქვემოთ წარმოდგენილი ის ძირითადი სპეციალისტები, რომლებიც მოთხოვნილია ქვემოთ მოცემული ცხრილის მიხედვით. ამასთან, მათ უნდა გააჩნდეთ ცხრილში მითითებული, შესაბამის სფეროში მუშაობის გამოცდილება:

N	სპეციალისტი	პროფესიული გამოცდილება (მინიმალური)	მინიმალური რაოდენობა (კაცი)
1	საავტომობილო გზების ინჟინერი (პროექტის ხელმძღვანელი)	15 წელი (მ.შ. როგორც გუნდის ხელმძღვანელს უნდა ჰქონდეს 5 წლიანი საერთაშორისო გამოცდილება)	1
2	ავტომაგისტრალის/გზების ინჟინერი	15 წელი	1
3	ხიდების/ნაგებობების ინჟინერი	15 წელი	1
4	გეოტექნიკური ექსპერტი	10 წელი	1
5	ინჟინერ-კონსტრუქტორი	10 წელი	1
6	მოდრაობის (გზების) უსაფრთხოების ინჟინერი	10 წელი	1

- პრეტენდენტმა, მის მიერ შემოთავაზებულ თითოეულ სპეციალისტზე უნდა წარმოადგინოს საანკეტო მონაცემები დანართი N4-ის შესაბამისად, რომელიც მოიცავს სპეციალისტების ბიოგრაფიულ მონაცემებს, ინფორმაციას მათი განათლებისა და კვალიფიკაციის შესახებ.
- პრეტენდენტმა მის მიერ შემოთავაზებულ პროექტის ხელმძღვანელის გამოცდილების დამადასტურებლად უნდა წარმოადგინოს ტენდერის პირობებით გათვალისწინებული, ინფორმაცია ანალოგიური საპროექტო მომსახურების სფეროში გამოცდილების ქონის შესახებ დანართი N4-ის მე-4 ნაწილის მიხედვით.
- პრეტენდენტის მიერ შემოთავაზებულ თითოეულ სპეციალისტზე, ატვირთული უნდა იყოს პირადობის დამადასტურებელი მოწმობის ასლები და შესაბამისი განათლების დამადასტურებელი დიპლომი ან/და სხვა დამატებითი ტიპის დოკუმენტაცია.
- პრეტენდენტმა უნდა წარმოადგინოს ძირითად სპეციალისტებთან გაფორმებული წინარე შეთანხმება (თითოეულ სპეციალისტთან ცალ-ცალკე) დანართი N5-ის შესაბამისად, რომლის მიხედვითაც პრეტენდენტის გამარჯვების შემთხვევაში, სპეციალისტი იღებს ვალდებულებას, რომ კომპეტენციის შესაბამისად, პირადად განახორციელებს ამ ტენდერით გათვალისწინებული მომსახურების გაწევას.

- ტენდერში მონაწილე კომპანიის მიერ შემოავაზებულ პერსონალს, წინამდებარე სატენდერო პირობებით გათვალისწინებული კრიტერიუმების დაკმაყოფილების მიზნით, უფლება აქვს მონაწილეობა მიიღოს მხოლოდ ერთი პრეტენდენტის მიერ წარდგენილი შემოთავაზებაში.

4.1.4. პრეტენდენტმა უნდა წარმოადგინოს პროექტირების მეთოდოლოგია ტექნიკური დავალების შესაბამისად.

4.1.5. პრეტენდენტმა უნდა წარმოადგინოს ფასების ცხრილი დანართი N6-ის შესაბამისად.

4.1.6. პრეტენდენტმა უნდა წარმოადგინოს ინფორმაცია დამატებითი მომსახურების (საჭიროების შემთხვევაში, სამუშაოები, რომლებიც არ შედის ძირითად საპროექტო მომსახურებაში) შესახებ, დანართი N7-ის შესაბამისად.

- პრეტენდენტი ვალდებულია სატენდერო წინადადების ფასის გაანგარიშებისას გაითვალისწინოს დამატებითი მომსახურებისათვის საჭირო ხარჯები, ძირითადი საპროექტო მომსახურების 3%-ის ოდენობით.

4.1.7. ინფორმაცია ქვეკონტრაქტორის მიერ შესასრულებელი სამუშაოების შესახებ (არსებობის შემთხვევაში) დანართი N8-ის შესაბამისად.

- პრეტენდენტმა უნდა წარმოადგინოს ინფორმაცია ქვეკონტრაქტორის მიერ 01.01.2006-დან 01.08.2016-მდე პერიოდში შესრულებული ანალოგიური ხასიათის, სირთულის და შინაარსის სამუშაოების შესახებ **დანართი N2-ის** შესაბამისად. დანართში მითითებული თითოეული პოზიციის მიხედვით, ანალოგიური ან მსგავსი ტიპის ხელშეკრულებების და ამ მომსახურების შესრულების დამადასტურებელი დოკუმენტის ასლები (*მომსახურების გაწევის აქტი, ან/და გაწეული მომსახურების მიღება-ჩაბარების აქტი, ან/და დამკვეთის მიერ გაცემული გაწეული მომსახურების დამადასტურებელი ცნობა*).

შენიშვნა: ეს მოთხოვნა არ ვრცელდება საავტომობილო გზების დეპარტამენტის დაკვეთით შესრულებულ მომსახურებაზე.

- პრეტენდენტმა უნდა წარმოადგინოს ინფორმაცია ქვეკონტრაქტორის ძირითად სპეციალისტთა კვალიფიკაციის და გამოცდილების შესახებ, ცალკეული ცხრილის სახით, **4.1.3. პუნქტის მოთხოვნების** შესაბამისად.
- ქვეკონტრაქტორის შესახებ წარმოდგენილი ინფორმაცია განიხილება შესყიდვაში მონაწილეობის მსურველი პირის საკვალიფიკაციო მონაცემებთან ერთობლიობაში. ამასთან, პრეტენდენტის მიერ სატენდერო პირობებით გათვალისწინებული კრიტერიუმების დაკმაყოფილების მიზნით, ქვეკონტრაქტორის წილი არ უნდა აღემატებოდეს **საერთო რაოდენობის 40%-ს**.
- ქვეკონტრაქტორის მიერ გასაწევი მომსახურების ჯამური მოცულობა არ უნდა აღემატებოდეს ხელშეკრულებით გათვალისწინებული **მთლიანი მოცულობის 40%-ს**.
- ქვეკონტრაქტორი კომპანია არ უნდა იყოს რეგისტრირებული შესყიდვებში მონაწილე არაკეთილსინდისიერ პირთა რეესტრში – „შავი სია“.

4.1.8. იმ შემთხვევაში თუ პრეტენდენტი არის უცხოური საწარმოს წარმომადგენელი საქართველოში, და ის იყენებს სათაო კომპანიის გამოცდილებას, მან უნდა წარმოადგინოს, როგორც ადგილობრივი, ასევე სათაო ოფისის მიერ ხელმოწერილი და ბეჭდით დადასტურებული 4.1.2 და 4.1.3 ქვეპუნქტებით გათვალისწინებული ინფორმაცია და შესაბამისად შევსებული დანართების სახით.

- იმ შემთხვევაში თუ პრეტენდენტი არის უცხოური საწარმოს წარმომადგენელი საქართველოში, რომელიც იყენებს საზღვარგარეთ რეგისტრირებული სათაო კომპანიის მონაცემებს (სამუშაო გამოცდილება, ძირითადი სპეციალისტები ან/და სხვა) ასეთ შემთხვევაში, პრეტენდენტს არა აქვს უფლება სატენდერო დოკუმენტაციით განსაზღვრული კრიტერიუმების დაკმაყოფილების მიზნით გამოიყენოს ქვეკონტრაქტორი კომპანია.

4.2. ხელშეკრულების უზრუნველყოფის საბანკო გარანტია:

4.2.1. კონსკურსში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების **5%-ის ოდენობით**. გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ეროვნულ ვალუტაში - ლარში, (ან უცხო ქვეყნის საბანკო დაწესებულებიდან, რომელიც გადაზღვრული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ) შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი უფლებამოსილი პირის მიერ და ბეჭედდასმული, **დანართი N9-ის** მიხედვით.

- 4.2.2. იმ შემთხვევაში, როდესაც ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტად დაბალი იქნება შესყიდვის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების გარანტია ხელშეკრულების ჯამური ღირებულების 10%-ის ოდენობით.
- 4.2.3. ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღმატებოდეს ხელშეკრულების მოქმედების ვადას.

4.3. დამატებითი ინფორმაცია:

- 4.3.1. სატენდერო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე და ხელმოწერილი უნდა იყოს შესაბამისი უფლებამოსილი პირის მიერ. ხელმოწერის გარეშე წარმოდგენილი წინადადება არ განიხილება. ამასთან დოკუმენტების ან/და ინფორმაციის უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი. აღნიშნულ დოკუმენტებში აღმოჩენილი სხვაობის შემთხვევაში უპირატესობა მიენიჭება ქართულ თარგმანს.
- 4.3.2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება. ალტერნატიული წინადადებები არ განიხილება.
- 4.3.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 4.3.4. ტენდერში მონაწილე კომპანიის მიერ შემოავაზებულ პერსონალს, წინამდებარე სატენდერო პირობებით გათვალისწინებული კრიტერიუმების დაკმაყოფილების მიზნით, უფლება აქვს მონაწილეობა მიიღოს მხოლოდ ერთი პრეტენდენტის მიერ წარდგენილი შემოთავაზებაში.
- 4.3.5. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიანი ელექტრონული სისტემის შესაბამისი კითხვა/პასუხის მოდულის მეშვეობით ან/და შემსყიდველი ორგანიზაციის სატენდერო კომისიის აპარატში. ქ. თბილისი, ალ. ყაზბეგის ქ. N12, მე-4 სართული. საკონტაქტო პირები:

შალვა ჯულაყიძე

ლევან როსტომაშვილი

ტელ: +995 32 37 05 08 (284)

ტელ: +995 32 37 05 08 (292)

5. ტექნიკური პირობები

ტექნიკური დავალება

შიდასახელმწიფოებრივი მნიშვნელობის ბათუმი (ანგისა) - ახალციხის საავტომობილო გზის (შ-1)

ხულო - ზარზმის მონაკვეთის რეაბილიტაცია - რეკონსტრუქციის საპროექტო დოკუმენტაციის

განხილვა-განახლება

(ლოტი-1 - კმ0+000 – კმ29+372)

(ლოტი-2 – კმ0+000 –კმ17+380)

შესავალი

საქართველოს რეგიონული განვითარებისა და ინფრასტრუქტურის სამინისტროს საავტომობილო გზების დეპარტამენტს (სგდ) („დამკვეთი“) ესაჭიროება საკონსულტაციო მომსახურება შიდასახელმწიფოებრივი მნიშვნელობის ბათუმი (ანგისა)-ახალციხის საავტომობილო გზის (შ-1) ხულო-ზარზმის მონაკვეთის (ლოტი-1: ხულო – გოდერძის უღელტეხილი, დაახლოებით 29 კმ. და ლოტი 2: გოდერძის უღელტეხილი – ზარზმა დაახლოებით 17კმ) რეაბილიტაცია-რეკონსტრუქციისათვის მომზადებული საპროექტო დოკუმენტაციის განსახილველად და საჭიროებისამებრ დასაკორექტირებლად. აღნიშნული გზა მდებარეობს მთიან რეგიონში, რთულ რელიეფზე, ზღვის დონიდან 1240–2050 მეტრზე. არსებული გზის 6 კმ გადის ალპურ ზონაში, მაშინ როცა დარჩენილი გზის ნაწილი განთავსებულია ისეთ მონაკვეთებში, რომელიც გარშემორტყმულია მსხვილი წიწვოვანი და ფართოფოთლოვანი ტყეებით. არსებული მიწის ვაკისი მერყეობს 6–8 მეტრს შორის. გზის საფარი თითქმის არის ხრეშოვანი ასფალტო-ბეტონის ზედაპირით (საშუალო სისქე 6–7სმ), რომელიც შემორჩენილია ზოგიერთ ადგილას.

კონსულტანტს მოეთხოვება საქართველოს ბიუჯეტით დაფინანსებული 47 კმ სიგრძის ხულო-ზარზმის მონაკვეთის რეაბილიტაცია-რეკონსტრუქციისათვის მომზადებული საპროექტო დოკუმენტაციის განხილვა-განახლება.

დავალების სავარაუდო ხანგრძლივობა შეადგენს 3 თვეს. დაინტერესებულ კონსულტანტებს უნდა ჰქონდეთ საკმარისი გამოცდილება გზების პროექტირებაში და საგზაო მოძრაობის უსაფრთხოების აუდიტის მომსახურებაში.

წინადადებების წარმოდგენამდე, დაინტერესებული კონსულტანტები უნდა გავიდნენ ობიექტზე და საფუძვლიანად შეისწავლონ დეტალებში საპროექტო ტერიტორიის ადგილმდებარეობა და შესაბამისად წარმოადგინონ მეთოდოლოგია ზემოთ ხსენებული სამუშაოებისათვის. სამშენებლო მოედანზე გასვლასთან დაკავშირებული ყველა ხარჯი დაიფარება კონსულტანტის მიერ.

5.1. მომსახურების მოცულობა

საპროექტო დოკუმენტაციის განხილვა- განახლება

5.1.1. დავალება-საპროექტო დოკუმენტაციის განხილვა- განახლება

კონსულტანტი ვალდებულია:

1. საფუძვლიანად შეისწავლოს ჩატარებული გეოდეზიური, გეოლოგიური, გამტარ უნარიანობის ტესტების, ჰიდროლოგიური და სხვა სავსე კვლევების შედეგად მიღებული მასალები, ლაბორატორიული დასკვნები და კალკულაციები/გაანგარიშებები, რომლებიც ხელმისაწვდომია 2013 წელს მომზადებულ პროექტში, რათა შემოწმდეს და დააკორექტირდეს პროექტი საჭიროებისამებრ; ზემოთ ხსენებული მასალების ანალიზი იყო იმ გადაწყვეტილებების საფუძველი, რომლებიც მიღებული იქნა იმ დროისათვის ტექნიკურ პროექტირებასთან მიმართებაში. უნდა შეფასდეს ყველა სავსე კვლევებისა და ლაბორატორიული კვლევების შესაბამისობა და სრულყოფა. შეფასდეს მოძრაობის პროგნოზი. კონსულტანტმა ასევე უნდა გაამახვილოს ყურადღება იმ ადგილებზე, სადაც ხშირად არის ზამთარში ქარბუქი, შეიმუშაოს და დამკვეთთან შეათანხმოს მაქსიმალურად მიზანშეწონილი ღონისძიება. წინა დეტალურ პროექტში არანაირი შემამსუბუქებელი ღონისძიებები არ იყო გათვალისწინებული ზამთრის ნამქერთან დაკავშირებით. პროექტის განხილვის-განახლების დროს, კონსულტანტმა ასევე უნდა შეაფასოს გზის საფარზე თოვლის/ყინულის დნობის სისტემის საჭიროება. კონსულტანტმა ასევე ყურადღება უნდა გაამახვილოს საგზაო სამოსის პროექტირებაზე, რადგან ზამთრის მოვლა-შენახვის დროს ყინულისა და თოვლის საწინააღმდეგოდ გამოყენებული იქნება მარილი. დამკვეთის მოთხოვნა არის ამ ღონისძიებების გათვალისწინება დეტალური პროექტის კორექტირებისას და მიდგომების, ღონისძიებების შეთავაზება, რომელიც რეალიზებული იქნება განახლებული დეტალური პროექტის ანგარიშში.
2. დეტალურად უნდა შემოწმდეს:
 - (i) გზის პარამეტრების (ჰორიზონტალური და ვერტიკალური მრუდები, გრძივი და განივი ქანობები, და აშ) შესაბამისობა საქართველოში მოქმედ სამშენებლო სტანდარტებთან და ნორმებთან;

- (ii) დეტალური პროექტის საგზაო მოძრაობის უსაფრთხოების აუდიტი. პროექტით გათვალისწინებული საგზაო უსაფრთხოების ღონისძიებების ეფექტურობა და მათი შესაბამისობა საერთაშორისოდ აღიარებულ თანამედროვე უსაფრთხოების მოთხოვნებთან;
- (iii) დრენაჟის რელევანტურობა. გზის სავალი ნაწილიდან წყლის დაგროვებისა და გამოდენის ტექნიკური გადაწყვეტილებები; გადაწვეტილებები ზედაპირული და მიწისქვეშა წყლებით გზის სავალი ნაწილის დაზიანების პრევენციასთან დაკავშირებით; გაანგარიშებების შეფასება.
- (iv) ჭრილებისა და ყრილების მოწყობასთან, მათ სტაბილიზაციასა და დაცვასთან, გრუნტის დამუშავების საჭიროებასთან, მეწყერთან, ფერდების გამაგრებასთან და ქვათა ცვენის პრევენციის ღონისძიებებთან, კარიერებთან და/ან ნარჩენების განსათავსებელ ადგილებთან დაკავშირებით გაკეთებული საინჟინრო და ტექნიკური გადაწყვეტილებების სისწორე და ეფექტურობა;
- (v) პროექტით გათვალისწინებული ხიდებისა და სხვა ხელოვნური ნაგებობების (წყალგამტარი მილების, საყრდენი კედლების და სხვა) შესაბამისობის დადგენა სამშენებლო ნორმებთან და სტანდარტებთან, საინჟინრო გაანგარიშებებისა და ხელოვნურ ნაგებობებთან დაკავშირებული გადაწყვეტილებების კორექტულობა და ტექნიკური და ეკონომიკური ეფექტურობა;
- (vi) გზის საფარის კონსტრუქციის შესაბამისობა; დასრულებულ გზებზე საერთაშორისო უსწორმასწორობის კოეფიციენტისათვის (IRI) ტექნიკური სტანდარტები;
- (vii) აუცილებლობის შემთხვევაში გარემოსდაცვითი ღონისძიებების (ზემოქმედების შემსუბუქება მდინარეებზე, სოფლის მეურნეობაზე, ხმაურისაგან დაცვა, წლის დაბინძურება და აშ) პროექტში გათვალისწინება საქართველოს გარემოს დაცვის ღონისძიებების თუ საქართველოს კანონმდებლობის შესაბამისად;
- (viii) საპროექტო ნახაზების სისწორე და სისრულეში მოყვანა და საპროექტო ანგარიშებთან შესაბამისობა;
- (ix) მოცულობათა უწყისების და წინა პროექტისათვის შემოთავაზებული ხარჯთაღრიცხვის შეფასება, რომელიც სხვებთან ერთად უნდა მოიცავდეს ფასების ესკალაციას, სამშენებლო სამუშაოებისათვის გაუთვალისწინებელ ხარჯებს და დამამთავრებელ და დასუფთავების სამუშაოებს.

5.1.2. გრაფიკი და ანგარიშების წარმოდგენა

კონსულტანტმა მომსახურება უნდა დაიწყოს კონტრაქტზე ხელის მოწერიდან ერთ კვირაში და უნდა წარმოადგინოს შემდეგი მასალები:

- (i) შუალედური ანგარიში - მომსახურების დაწყებიდან ერთი თვე
- (ii) საბოლოო განხილვის ანგარიშის პროექტი + განახლებული პროექტის ანგარიშის სამუშაო ვერსია - მომსახურების დაწყებიდან 2 თვეში
- (iii) საბოლოო განხილვის ანგარიში + საბოლოო განახლებული პროექტის ანგარიში - მომსახურების დაწყებიდან 3 თვის შემდეგ

5.1.3. წარმოსადგენი მასალა:

- (i) შუალედური ანგარიში:
 - 2 ეგზემპლარი ინგლისურად + ელექტრონული ვერსია 2 ეგზემპლარი (CD)
 - 2 ეგზემპლარი ქართულად + ელექტრონული ვერსია 2 ეგზემპლარი (CD)
- (ii) საბოლოო განხილვის ანგარიშის პროექტი + განახლებული პროექტის ანგარიშის სამუშაო ვერსია:
 - 5-5 ეგზემპლარი ინგლისურად + 5 ეგზემპლარი CD (PDF და DWG ფაილები)
 - 5-5 ეგზემპლარი ქართულად + 5 ეგზემპლარი CD (PDF და DWG ფაილები)
- (iii) საბოლოო განხილვის ანგარიში + საბოლოო განახლებული პროექტის ანგარიში:
 - 5-5 ეგზემპლარი ინგლისურად + 5 ეგზემპლარი CD (PDF და DWG ფაილები)
 - 5-5 ეგზემპლარი ქართულად + 5 ეგზემპლარი CD (PDF და DWG ფაილები)

5.1.4. გადახდის პირობები

1. დამკვეთის მიერ შუალედური ანგარიშის მიღების, განხილვისა და დამტკიცების შემდეგ - 20%;
2. დამკვეთის მიერ საბოლოო განხილვის ანგარიშის პროექტის + განახლებული პროექტის ანგარიშის სამუშაო ვერსიის მიღების, განხილვისა და დამტკიცების შემდეგ - 50%;
3. დამკვეთის მიერ საბოლოო განხილვის ანგარიშის + საბოლოო განახლებული პროექტის ანგარიშის მიღების, განხილვისა და დამტკიცების შემდეგ - 30%.

5.2. პერსონალის მიმართ მოთხოვნები და კვალიფიკაცია

ძირითადი პერსონალი უნდა შედგებოდეს 6 ექსპერტისაგან (იხილეთ 4.1.3. ქვეპუნქტი). ძირითადი ექსპერტების სავარაუდო სია შემდეგნაირია:

1. გუნდის ხელმძღვანელი

ეს პიროვნება უნდა იყოს ავტომაგისტრალების კვალიფიციური ინჟინერი სულ მცირე 15 წლიანი გამოცდილებით გზების პროექტირებაში, მათ შორის, როგორც გუნდის ხელმძღვანელს უნდა ჰქონდეს 5 წლიანი საერთაშორისო გამოცდილება მთიან ადგილებში გზების პროექტირებაში; უნდა გააჩნდეს ამ ტიპის პროექტის მართვისა და ადმინისტრირების უნარი, და უნდა ჰქონდეს გზების დაგეგმარების, პროექტირებისა და კონტრაქტის ადმინისტრირების ფართო გამოცდილება. აუცილებელია თავისუფლად ფლობდეს როგორც წერით, ასევე სასაუბრო ინგლისურს.

2. ავტომაგისტრალების ინჟინერი

ავტომაგისტრალების ინჟინერი უნდა იყოს ინჟინერი მინიმუმ 15 წლიანი გამოცდილებით გზების პროექტირებაში.

3. ხიდების/ნაგებობების ინჟინერი

კვალიფიციური ხიდების/ნაგებობების ინჟინერი სულ მცირე 15 წლიანი გამოცდილებით გზების პროექტირებაში.

4. ინჟინერი-გეოტექნიკოსი

ინჟინერი-გეოტექნიკოსს უნდა ჰქონდეს მინიმუმ 10 წლიანი გამოცდილება გზების პროექტირებაში.

5. ინჟინერი-კონსტრუქტორი

კვალიფიციური ინჟინერი-კონსტრუქტორი სულ მცირე 10 წლიანი გამოცდილებით გზების პროექტირებაში.

6. გზების უსაფრთხოების ინჟინერი

კვალიფიციური სერტიფიცირებული გზების უსაფრთხოების ინჟინერი სულ მცირე 10 წლიანი გამოცდილებით საგზაო პროექტებში, გზების უსაფრთხოების ინჟინერს უნდა შეეძლოს საგზაო უსაფრთხოების აუდიტის განხორციელება, პროექტით გათვალისწინებული გზების უსაფრთხოების ღონისძიებების ეფექტურობის შემოწმება და მათი შესაბამისობის დადგენა საერთაშორისოდ აღიარებულ თანამედროვე უსაფრთხოების მოთხოვნებთან.

ზემოთ მოცემულია მინიმალურად საჭირო ძირითადი პერსონალის ჩამონათვალი, რომელიც მობილიზებული უნდა იქნეს კონსულტანტის მიერ. მათ გარდა, კონსულტანტის მიერ შემოთავაზებული უნდა იქნეს დამხმარე გუნდი, რომელიც შედგება შემდეგი წევრებისაგან და არა მხოლოდ:

- ტოპოგრაფი;
- ტექნიკოსი;
- გეოლოგი;
- ხარჯთაღრიცხველი;
- გეოდეზისტი.

5.3. გრაფიკი

პროექტის განხილვის-განახლების განსახორციელებლად მოცემული პერიოდი შეადგენს - 3 თვეს.

ხელშეკრულება სახელმწიფო შესყიდვის შესახებ

ტენდერი SPA _____

(პროექტი)

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

„ ____ “ _____ 2016 წელი

საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეყნებო დაწესებულება - საქართველოს საავტომობილო გზების დეპარტამენტი, წარმოდგენილი მისი თავმჯდომარის მოადგილის მაია ქალიაშვილის სახით, შემდგომში - შემსყიდველი, ერთი მხრივ და _____, წარმოდგენილი მისი დირექტორის _____ სახით, შემდგომში - მიმწოდებელი, მეორეს მხრივ, „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2015 წლის 22 მაისის N7 ბრძანების მე-15 მუხლის და შესყიდვების ერთიანი ელექტრონული სისიტემით ჩატარებული ტენდერის SPA _____ საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 წინამდებარე ხელშეკრულების საგანს წარმოადგენს მიმწოდებლის მიერ მომსახურების გაწევა (CPV 71300000) - შემდგომში მომსახურება.

2. ღირებულება და ანგარიშსწორების წესი

- 2.1 ხელშეკრულების ჯამური ღირებულება საქართველოს კანონმდებლობით გათვალისწინებული დამატებული ღირებულების გადასახადის გათვალისწინებით შეადგენს ----- (-----) ლარს.
- 2.2 მხარეები ანგარიშსწორებას ახორციელებენ ლარებში, ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.
- 2.3 მიმწოდებელი ანგარიშსწორებისას ვალდებულია წარმოადგინოს, ფაქტიურად შესრულებული მომსახურების მთლიანი და ჯამური (დამატებული ღირებულების გადასახადის გათვალისწინებით) ღირებულება საანგარიშო პერიოდისა და ნაზარდი ჯამის ჩვენებით.
- 2.4 ანგარიშსწორებისათვის მიმწოდებელი, ხელშეკრულებით გათვალისწინებული საჭირო საპროექტო დოკუმენტაციის შესადგენად (განახლება), ტექნიკური დავალებით განსაზღვრული მომსახურების გაწევის ვადების შესაბამისად, წარუდგენს შემსყიდველს დასრულებულ საპროექტო და სახარჯთაღრიცხვო დოკუმენტაციას. შემსყიდველის მიერ წარმოდგენილი დოკუმენტაციის ანალიზის, ხოლო საჭიროების შემთხვევაში ტექნიკურ საბჭოზე პროექტის განხილვისა და დადებითი რეკომენდაციის მიღების შემდგომ, დგება დასრულებული საპროექტო მომსახურების მიღება-ჩაბარების ორმხრივი აქტი (წარმოდგენილი უნდა იყოს შესაბამისი დამატებული ღირებულების გადასახადის ანგარიშ-ფაქტურა), რის საფუძველზეც შემსყიდველი აუნაზღაურებს მიმწოდებელს გაწეული მომსახურების ღირებულებას მიღება-ჩაბარების აქტისა და დამატებული ღირებულების გადასახადის ანგარიშ-ფაქტურის წარდგენიდან 10 სამუშაო დღის განმავლობაში.
- 2.5 იმ შემთხვევაში, თუ ამ ხელშეკრულების 3.4 პუნქტის შესაბამისად, მომწოდებლის მიერ წარმოდგენილი დასრულებული საპროექტო დოკუმენტაცია, საჭიროებს საექსპერტო დასკვნას, შემსყიდველი, დასრულებული საპროექტო მომსახურების მიღება-ჩაბარების ორმხრივი აქტის საფუძველზე უნაზღაურებს მიმწოდებელს მომსახურების ღირებულების 70%-ს, ხოლო დადებითი საექსპერტო დასკვნის წარმოდგენის შემდგომ - დარჩენილ - 30%-ს.
- 2.6 მიმწოდებელი ვალდებულია ანგარიშსწორებისას წარუდგინოს შემსყიდველს, ფაქტიურად გაწეული მომსახურების მთლიანი და ჯამური (დამატებული ღირებულებისა და სხვა გადასახადების გათვალისწინებით) ღირებულება.
- 2.7 ანგარიშსწორება განხორციელდება მიღება-ჩაბარების აქტის (ფაქტიურად გაწეული მომსახურების მოცულობების მიღების აქტი) და დამატებული ღირებულების გადასახადის ანგარიშ-ფაქტურის გაფორმების საფუძველზე.
- 2.8 აუცილებლობის (საჭიროების) შემთხვევაში, მიმწოდებელს შეუძლია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით.
- 2.9 მიუხედავად შესაბამისი წერილობითი მოთხოვნისა, შემსყიდველი უფლებამოსილია არ დააკმაყოფილოს თხოვნა ავანსის გაცემის თაობაზე.

- 2.10 შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს გასაცემი ავანსის ოდენობის უპირობო საბანკო გარანტია, რომელიც ძალაში უნდა იყოს გასაცემი ავანსის დაქვითვამდე.
- 2.11 მიმწოდებელზე გასაცემი საავანსო თანხა განისაზღვრება ხელშეკრულების ჯამური ღირებულების **არაუმეტეს 20%-ის ოდენობით**. მრავალწლიანი კონკურსის შემთხვევაში საავანსო თანხა გაცივმა იმავე პროცენტული ოდენობით, მოთხოვნის მომენტისათვის არსებული წლის შესაბამისი ღირებულებიდან.
- 2.12 აღნიშნული თანხა მიმწოდებლის მიერ გამოყენებული იქნება მხოლოდ ამ კონტრაქტით გათვალისწინებული მომსახურების გაწევის მიზნით. შემსყიდველის მიერ გაცემული ავანსის დაკავება მოხდება ქვემოთ მოყვანილი წესის თანახმად:

$$Z = \frac{A * (X\% - Y\%)}{70 - 20}$$

სადაც:

Z - გამოსაქვითი თანხა საანგარიშო პერიოდში;

A - წარმოადგენს გადარიცხული ავანსის თანხას;

X - წარმოადგენს საანგარიშო პერიოდისთვის შესრულებული სამუშაოთა შეფარდებას საწყის საკონტრაქტო ღირებულებასთან, გამოხატულს პროცენტებში. ეს მონაცემი არ აღემატება 70%-ს.

Y - არის (X) წინა პერიოდისათვის.

- 2.13 შემსყიდველი უფლებამოსილია ამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების 2.12 პუნქტის დარღვევისა ან/და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არა აქვს დაქვითული გაცემული ავანსი ან მისი ნაწილი.
- 2.14 ავანსით გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენის საფუძველზე.
- 2.15 იმ შემთხვევაში, თუ განსაზღვრული გარემოებების გამო მიმწოდებლის მიერ გაწეული მომსახურების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად გაწეული მომსახურების ღირებულებას ამ ხელშეკრულებით განსაზღვრული ფასების (პროცენტების) შესაბამისად. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელი მომსახურების მოცულობათა შესრულებაზე და მის გადახდაზე.
- 2.16 წარმოდგენილი საპროექტო-სახარჯთაღრიცხვო დოკუმენტაციის ხარისხის დაცვის მიზნით, შემსყიდველის მიერ დაკავებული იქნება წინამდებარე ხელშეკრულების ფარგლებში, მიმწოდებლის მიერ გაწეული **საპროექტო მომსახურების ღირებულების 10%**, რომელიც მიმწოდებელს დაუბრუნდება ობიექტის საპროექტო-სახარჯთაღრიცხვო დოკუმენტების მიღება-ჩაბარებიდან **2 (ორი) წლის შემდგომ (საგარანტიო პერიოდი)**, გარდა იმ შემთხვევისა თუ ამ ვადაში შემსყიდველი განახორციელებს საპროექტო-სახარჯთაღრიცხვო დოკუმენტაციით განსაზღვრული სამუშაოების დაწყებას.
- 2.17 საგარანტიო პერიოდში (2 (ორი) წლის განმავლობაში) წინამდებარე ხელშეკრულების ფარგლებში შედგენილი საპროექტო-სახარჯთაღრიცხვო დოკუმენტაციის საფუძველზე სამუშაოების დაწყების შემთხვევაში, ხარისხის დაცვის მიზნით დაკავებული თანხის დაბრუნება მოხდება საპროექტო-სახარჯთაღრიცხვო დოკუმენტაციით განსაზღვრული სამუშაოების დასრულებისა და შესაბამისი მიღება-ჩაბარების აქტის გაფორმების შემდეგ, გაწეული საპროექტო მომსახურების დაკავებული ღირებულების პროპორციულად.
- 2.18 თუ საგარანტიო პერიოდში სამუშაოების განხორციელების პროცესში საპროექტო-სახარჯთაღრიცხვო დოკუმენტაციაში აღმოჩნდება რაიმე სახის დეფექტი ან ხარვეზი მიმწოდებელი ვალდებულია საკუთარი ხარჯებით აღმოფხვრას ისინი. თუ მიმწოდებელი არ აღმოფხვრის აღნიშნულ ხარვეზს, შემსყიდველი უფლებამოსილია მიმწოდებელს არ აუნაზღაუროს კონკრეტულ ობიექტზე გაწეული საპროექტო მომსახურების ფარგლებში დაკავებული თანხა გამოვლენილი ხარვეზის ღირებულების პროპორციულად. ამასთან, თუ აღმოჩნდება რომ ხარისხის დაცვის მიზნით დაკავებული თანხა არაა საკმარისი, შემსყიდველი უფლებამოსილია მიმართოს საქართველოს კანონმდებლობით გათვალისწინებულ ღონისძიებებს.
- 2.19 თუ მიმწოდებლის ბრალეულობით, საპროექტო დოკუმენტაციით გათვალისწინებული სამუშაოების განხორციელების პროცესში გამოვლენილი საპროექტო დეფექტის ან ხარვეზის არსებობამ გადააჭარბა სამუშაოების სახელშეკრულებო ღირებულებაში განსაზღვრული გაუთვალისწინებელი სამუშაოების ღირებულებას (დადგენილი შემსყიდველის შესაბამისი სამსახურის ან/და დამოუკიდებელი ექსპერტის მიერ) მიმწოდებელს არ აუნაზღაურდება ხარისხის უზრუნველსაყოფად ხელშეკრულების ფარგლებში დაკავებული თანხა (10%-ის ოდენობით) სრულად.

3. მომსახურების შესაბამისობა

- 3.1 ხელშეკრულების პირველი მუხლით გათვალისწინებული მომსახურება უნდა შეესაბამებოდეს საქართველოში მოქმედ ნორმებსა და წესებს, მსგავსი მომსახურებისათვის უკვე დადგენილ სტანდარტებს, ტექნიკურ სპეციფიკაციებს, აგრეთვე წინამდებარე ხელშეკრულებითა და მასზე თანდართული ტექნიკური დავალებით გათვალისწინებულ პირობებს, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 3.2 პუნქტში აღნიშნული პირობებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.
- 3.3 წინამდებარე ხელშეკრულებით გათვალისწინებული მომსახურების გაწევა უნდა განხორციელდეს **ხელშეკრულების გაფორმებიდან - 2016 წლის 31 დეკემბრის ჩათვლით**, წინამდებარე ხელშეკრულების მე-5 მუხლის 5.1.2 პუნქტით განსაზღვრული ვადების შესაბამისად.

4. მომსახურების მიღება-ჩაბარების წესი

- 4.1 მიმწოდებლისაგან წარმოდგენილი დასრულებული დოკუმენტაციის (ნახაზები, ხარჯთაღრიცხვა, ტექნიკური ანგარიშები და სხვა დოკუმენტაცია) ანალიზის, ხოლო საჭიროების შემთხვევაში ტექნიკურ საბჭოზე პროექტის განხილვისა და დადებითი რეკომენდაციის მიღების (მაგრამ მიმწოდებლისაგან დასრულებული დოკუმენტაციის წარმოდგენიდან არაუმეტეს 28 დღისა) შემდეგ შემსყიდველი მიიღებს წარმოდგენილ საპროექტო დოკუმენტაციას, რაზედაც დგება დასრულებული საპროექტო მომსახურების მიღება-ჩაბარების ორმხრივი აქტი, რომელიც განსაზღვრავს გაცემული დავალების შესრულებას და სრულ ასანაზღაურებელ თანხას.
- 4.2 შესყიდვის ობიექტი მიღებულად ჩაითვლება, მხოლოდ მიღება-ჩაბარების აქტის გაფორმების შემდგომ.
- 4.3 საპროექტო დოკუმენტაციის საფუძველზე მიმდინარე სამუშაოების განხორციელების პერიოდში, შემოწმების ან/და ექსპერტიზის დასკვნის შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი, ურთიერთშეთანხმებულ გონოვრულ ვადებში.
- 4.4 იმ შემთხვევაში, თუ გაწეული ან მიმდინარე მომსახურების ინსპექტირების შედეგები უარყოფითია, შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღებაზე და ანაზღაურებაზე.
- 4.5 გაწეული მომსახურების მიღების და საბოლოო შემოწმების ადგილია შემსყიდველის ადგილსამყოფელი და/ან, საჭირო შემთხვევებში, დასაპროექტებელი საავტომობილო გზის მონაკვეთი. შემსყიდველი ამოწმებს მიმწოდებლის მიერ გაწეული მომსახურების მოცულობას და ხარისხს.
- 4.6 შემსყიდველი იტოვებს უფლებას, საჭიროების შემთხვევაში ხელშეკრულების ღირებულებისა და ტექნიკური დავალებით გათვალისწინებული ობიექტის ფარგლებში შეუკვეთოს მიმწოდებელს ტექნიკურ დავალებაში აღნიშნული დამატებითი მომსახურების გაწევა.

5. მხარეთა უფლება-მოვალეობანი

- 5.1 მიმწოდებელი ვალდებულია:
- 5.1.1 მომსახურების შესრულების პროცესში იხელმძღვანელოს ამ ხელშეკრულების 3.1 პუნქტში გათვალისწინებული წესებითა და პირობებით;
- 5.1.2 ხელშეკრულებით გათვალისწინებული მომსახურების სრულად მიწოდება განახორციელოს ხელშეკრულების გაფორმებიდან 2016 წლის 31 დეკემბრის ჩათვლით, თითოეული საპროექტო დავალების კონკრეტული ვადა განისაზღვრება შემსყიდველის მიერ გაცემული ტექ.დავალებით.
- 5.1.3 მიმწოდებელი ვალდებულია მომსახურება განახორციელოს ჯეროვნად, ხელშეკრულების პირობების, ტექნიკური დავალების, მომსახურების ტექნიკური სპეციფიკაციების, ასევე სამუშაოებისათვის საჭირო ტექნიკური დავალების თანახმად;
- 5.1.4 საჭიროების შემთხვევაში განახორციელოს ხელშეკრულების ღირებულებისა და ტექნიკური დავალებით გათვალისწინებული დამატებითი მომსახურება **დანართი N7-ის** შესაბამისად.
- 5.1.5 მიმწოდებელი ვალდებულია შემსყიდველის მოთხოვნის შესაბამისად, წარუდგინოს მას ინფორმაცია გასაწევი ან/და გაწეული მომსახურების შესახებ;
- 5.1.6 საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის დაუყოვნებლივ აღმოფხვრა;
- 5.1.7 საჭიროების შემთხვევაში, საპროექტო დოკუმენტაციით გათვალისწინებული სამუშაოების განხორციელების პროცესში, დამატებითი ანაზღაურების გარეშე, გაუწიოს კონსულტაცია სამუშაოების განხორციელების დროს წარმოქმნილი დამატებითი სამუშაოების ან/და საპროექტო ცვლილების განხორციელების მიზანშეწონილობის შესახებ.
- 5.1.8 ანგარიშსწორებისას საანგარიშსწორებო დოკუმენტაციაში მიუთითოს ფაქტიურად გაწეული მომსახურების მთლიანი და ჯამური ღირებულება;

- 5.1.9 შემსყიდველს დაუყონებლივ აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ, აგრეთვე სხვა გარემოებათა შესახებ, რომლებმაც შესაძლებელია ხელი შეუშალოს მის მიერ წინამდებარე ხელშეკრულებით ნაკისრ ვალდებულებათა შესრულებას.
- 5.1.10 იმ შემთხვევაში, თუ პროექტი ითვალისწინებს ქონების შეფასებას, შემფასებელი (სერტიფიცირებული) ექსპერტის კანდიდატურა შეათანხმოს შემსყიდველთან და ქონების შეფასების დოკუმენტი წარმოადგინოს მისი და შემფასებელი ექსპერტის ხელმოწერით.
- 5.1.11 საპროექტო დოკუმენტაცია წარმოადგინოს მისი და ძირითადი სპეციალისტის (ინჟინერ-ტექნიკური პერსონალი, ტექნიკური გადაწყვეტილების მიმღები) მიერ ხელმოწერილი.
- 5.1.12 საჭიროების შემთხვევაში, საპროექტო დოკუმენტაციით გათვალისწინებული სამუშაოების განხორციელების პროცესში, დამატებითი ანაზღაურების გარეშე, გაუწიოს კონსულტაცია სამუშაოების განხორციელების დროს წარმოქმნილი დამატებითი სამუშაოების ან/და საპროექტო ცვლილების განხორციელების მიზანშეწონილობის შესახებ.
- 5.2 შემსყიდველი ვალდებულია:
- 5.2.1 შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული პირობებისა და ვადების შესაბამისად.
- 5.2.2 მიმწოდებლის მიერ თითოეული დასრულებული საპროექტო დოკუმენტაციის წარმოდგენიდან 10 სამუშაო დღის განმავლობაში განიხილოს წარმოდგენილი დოკუმენტაცია, საჭიროების შემთხვევაში, გაიტანოს ტექნიკურ საბჭოზე.
- 5.2.3 ხელშეკრულებით გათვალისწინებული სამუშაოებისათვის საჭირო საპროექტო დოკუმენტაციის შესადგენად (განახლება) გაცემული ტექნიკური დავალებით განსაზღვრულ ვადებში ცვლილებების შეტანა დასაშვებია მხოლოდ შემსყიდველის და მიმწოდებლის ურთიერთშეთანხმების საფუძველზე.
- 5.2.4 შემსყიდველი და მიმწოდებელი ერთობლივად განიხილავენ სამუშაოებისათვის საჭირო საპროექტო დოკუმენტაციის შესადგენად მომსახურების გაწევის მიმდინარეობის საკითხებს და საჭიროების შემთხვევაში შეაქვთ მასში სათანადო ცვლილებები.
- 5.2.5 ხელშეკრულების დამდებ არც ერთ მხარეს არა აქვს უფლება შეიტანოს ამ ხელშეკრულებით გათვალისწინებული მომსახურების გაწევისათვის საჭირო საპროექტო დოკუმენტაციის შესადგენად გაცემული ტექნიკურ დავალებით განსაზღვრულ ვადებში ცვლილებები მეორე მხარესთან შეთანხმების გარეშე. ვადებში ცვლილებები დასაშვებია მხოლოდ მხარეთა შეთანხმების საფუძველზე.
- 5.2.6 იმ შემთხვევაში, თუ შემსყიდველის მიერ, შექმნილი აუცილებლობიდან გამომდინარე, ტექნიკური დავალება მომსახურების გაწევის თაობაზე გაცემულია ხელშეკრულების მოქმედების ვადის ბოლოს და ამის გამო, მიმწოდებელი ვერ ასწრებს აღნიშნული დავალების შესრულებას ხელშეკრულებით გათვალისწინებულ ვადებში, იგი შემსყიდველთან შეთანხმებით, გააგრძელებს მომსახურების გაწევას ხელშეკრულების მოქმედების ვადის ამოწურვის მიუხედავად, აღნიშნული ტექნიკური დავალების საბოლოო დასრულებამდე, ხოლო შემსყიდველი მიმწოდებელს აუნაზღაურებს გაწეულ ხარჯებს ხელშეკრულებით გათვალისწინებული სახარჯთაღრიცხვო პირობების შესაბამისად. ასეთ შემთხვევაში შემსყიდველსა და მიმწოდებელს შორის ფორმდება წინამდებარე ხელშეკრულების დანართი შეთანხმება მომსახურების გაწევის ახალი ვადების გათვალისწინებით.

6. ფორს-მაჟორი

- 6.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).
- 6.2 მხარე, რომელსაც მიუხედავად დაუძლეველი ძალის მოვლენები მოჰყავს, ვალდებულია დაუყონებლივ აცნობოს მეორე მხარეს წერილობით ასეთი მოვლენის/ების დადგომისა და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება წინამდებარე ხელშეკრულებით ნაკისრი ვალდებულებების სრული ან ნაწილობრივი შეუსრულებლობით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

7. პასუხისმგებლობა

- 7.1 ხელშეკრულების პირობების შეუსრულებლობის ან არაჯეროვნად შესრულებისათვის, მათ შორის საგარანტიო პერიოდში, (საპროექტო მომსახურებისათვის განსაზღვრული ვადის დარღვევა,

არასრულყოფილი საპროექტო დოკუმენტაციის წარმოდგენა, სუბკონტრაქტორის აყვანის პირობების დარღვევა და სხვა) მიმწოდებელს დაეკისრება პირგასამტეხლოს სახით საპროექტო და სახარჯთაღრიცხვო დოკუმენტაციის შედგენაზე მომსახურების ღირებულების 3% (სამი პროცენტი), მაგრამ არანაკლებ 1 000.00 (ათასი) ლარისა.

7.2 წინამდებარე მუხლის 7.1 პუნქტის საფუძველზე დაკისრებული პირგასამტეხლოს ერთი თვის ვადაში გადაუხდელობის შემთხვევაში, შემსყიდველი უფლებამოსილია მიმწოდებელს შესრულებული სამუშაოების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა მოქმედი კანონმდებლობის შესაბამისად.

7.3 იმ შემთხვევაში, თუ მიმწოდებელზე ხელშეკრულების პირობების დაღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5% (ხუთი პროცენტი), შემსყიდველი უფლებამოსილია ცალმხრივად შეწყვიტოს ხელშეკრულება.

8. ხელშეკრულების შესრულების გარანტია

8.1 ხელშეკრულების შესრულების უზრუნველყოფის მიზნით მიმწოდებელმა შემსყიდველს უნდა წარუდგინოს საბანკო დაწესებულების მიერ გაცემული უპირობო საბანკო გარანტია, რომლის მოქმედების ვადა უნდა აღემატებოდეს ხელშეკრულების მოქმედების ვადას 30 კალენდარული დღით. საგარანტიო თანხის ოდენობა განისაზღვრება ხელშეკრულების ღირებულების 5%-ის ოდენობით. გარანტია უნდა იყოს უპირობო და შემსყიდველს უნდა აძლევდეს უფლებას გარანტიის გამცემი დაწესებულებისგან პირველი მოთხოვნისთანავე, ყოველგვარი დასაბუთების გარეშე, მიიღოს შესაბამისი თანხა.

8.2 მიმწოდებლის მიერ წარმოდგენილი, ხელშეკრულების შესრულების უზრუნველყოფის უპირობო საბანკო გარანტია, გამოიყენება ნებისმიერი ზიანის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში.

8.3 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, შემსყიდველი ვალდებულია, დაუბრუნოს მიმწოდებელს ხელშეკრულების შესრულების უზრუნველყოფის გარანტია.

8.4 მიმწოდებლის მიერ ხელშეკრულების შეწყვეტის შემთხვევაში შემსყიდველს უფლება აქვს აამოქმედოს ხელშეკრულების შესრულების უზრუნველყოფის საბანკო გარანტია სრული ოდენობით.

8.5 მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია აამოქმედოს ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურებისგან.

8.6 მიმწოდებლისაგან დამოუკიდებელი მიზეზების გამო (ფორს-მაჟორული გარემოებები) ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

8.7 მიმწოდებელი იძლევა გარანტიას, რომ მის მიერ შემსყიდველისათვის შესრულებული სამუშაო შესაბამისობაში იქნება ტექნიკურ დავალებასთან, სამუშაოს სპეციფიკაციებთან, ხელშეკრულების პირობებთან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3 ხელშეკრულების შეწყვეტის გაფორმება ხდება დანართი შეთანხმების გზით.

9.4 მხარეთა შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.5 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

9.5.1 მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);

9.5.2 მიმწოდებლის ბრალეულობით, საპროექტო დოკუმენტაციით გათვალისწინებული სამუშაოების განხორციელების პროცესში გამოვლენილი საპროექტო დეფექტის ან ხარვეზის არსებობამ გამოიწვია საგზაო სამუშაოების ღირებულების მნიშვნელოვნად გაზრდა (დადგენილი შემსყიდველის შესაბამისი სამსახურის ან/და დამოუკიდებელი ექსპერტის მიერ).

9.5.3 მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

- 9.5.4 მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების გათვალისწინებული პირობების შესრულებაზე;
- 9.5.5 მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- 9.5.6 ამოიწურა ხელშეკრულების გარანტიით განსაზღვრული თანხა და მიმწოდებელმა არ წარმოადგინა ახალი გარანტია.
- 9.5.7 მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 5%-ს;
- 9.5.8 ხელშეკრულების მე-5 მუხლის 5.1.2 პუნქტით გათვალისწინებული საპროექტო დოკუმენტაციის წარმოდგენის ვადა განმეორებით დაირღვა მიმწოდებლის მიერ;
- 9.5.9 ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება.

10. სამართალმემკვიდრეობა და უფლებამონაცვლეობა

- 10.1 წინამდებარე ხელშეკრულების პირობები სავალდებულოა, როგორც ხელშეკრულების მხარეებისათვის, ასევე მათი სამართალმემკვიდრეებისათვის.
- 10.2 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 10.3 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

11. ქვეკონტრაქტორები

- 11.1 მომსახურების გაწევის პროცესში ქვეკონტრაქტორის შეცვლა, ან დამატებითი ქვეკონტრაქტორის აყვანა წინასწარ უნდა შეთანხმდეს შემსყიდველთან.
- 11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს;
- 11.3 ქვეკონტრაქტორის მიერ შესასრულებელი გასაწევი მომსახურების ჯამური მოცულობა არ უნდა აღემატებოდეს გასაწევი მომსახურების მთლიანი მოცულობის 40%.
- 11.4 მიმწოდებელი და მისი ქვეკონტრაქტორი ვალდებული არიან დასაპროექტებელ ობიექტზე შეარჩიონ და დანიშნონ ის წამყვანი ინჟინერ-ტექნიკური სპეციალისტები, რომლებიც მოხსენებული იყო მიმწოდებლის საკვალიფიკაციო მონაცემებში და მოწონებულია შემსყიდველის მიერ.
- 11.5 მიმწოდებელს, საჭიროების შემთხვევაში, უფლება აქვს დამატებით აიყვანოს სპეციალისტ(ებ)ი, მის მიერ საკვალიფიკაციო მონაცემებში წარმოდგენილი მასთან მომუშავე წამყვანი ინჟინერ-ტექნიკური სპეციალისტის სიობრივი რაოდენობის ზევით.

12. შეტყობინება

- 12.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.
- 12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. ხელშეკრულების შესრულების კონტროლი

- 13.1 შემსყიდველს ან მის წარმომადგენელს უფლება აქვს ხელშეკრულების და მისი დანართების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე, მათ შორის მომსახურების ხარისხის პერიოდულ ინსპექტირებაზე. გაწეული მომსახურების ტექნიკური ინსპექტირება და კონტროლი (მონიტორინგი) ევალუა შემსყიდველი ორგანიზაციის - **საავტომობილო გზების ტექნიკური პოლიტიკის სამმართველოს**, ხოლო ფინანსური მონიტორინგი – ამავე დეპარტამენტის **ფინანსების მართვის სამმართველოს**.
- 13.2 ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს გაწეული მომსახურების ხარისხის ინსპექტირება.
- 13.3 მიმწოდებელი ვალდებულია საკუთარი ხარჯებით უზრუნველყოს შემსყიდველი, კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 13.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის დაუყოვნებლივ აღმოფხვრა.

14. სხვა პირობები

- 14.1 წინამდებარე ხელშეკრულება რეგულირდება საქართველოს კანონმდებლობით.
- 14.2 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.
- 14.3 იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გათვალისწინებული მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.
- 14.4 ნებისმიერ ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 14.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 14.6 მიმწოდებლის საკონკურსო წინადადებაში დაფიქსირებული და შემსყიდველთან შეთანხმებული გასაწევი მომსახურების ფასები (პროცენტი) წარმოადგენს ხელშეკრულების ძირითად პარამეტრებს მისი მოქმედების მთელი პერიოდის განმავლობაში.
- 14.7 წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 14.8 მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; მხარეთა მიერ შეთანხმების მიუღწევლობის შემთხვევაში, დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.
- 14.9 ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 14.10 მიმწოდებლის საატენდერო წინადადება (ხარჯთაღრიცხვა, საგარანტიო უზრუნველყოფა, ტექნიკური პირობები, გასაწევი მომსახურების ჩამონათვალი, სპეციფიკაციები) თან ერთვის და წარმოადგენს წინამდებარე ხელშეკრულების განუყოფელ ნაწილს.

15. ხელშეკრულების მოქმედების ვადა

- 15.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს _____ წლის _____ ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე (საგარანტიო პერიოდის სრულ დასრულებამდე).

16. მხარეთა ხელმოწერები:

შემსყიდველი:

საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი, მის. საქართველო, თბილისი, ალ. ყაზბეგის გამზირი #12, საიდენტიფიკაციო კოდი 211 343 982, საბანკო რეკვიზიტები: სახელმწიფო ხაზინა, ბ/კ TRESGE22, ანგარიშის #200122900.

ხელმოწერა

მაია ქალიაშვილი

ბ.ა.

მიმწოდებელი:

ხელმოწერა

ბ.ა.

პრეტენდენტის შეთავაზება

1.	პრეტენდენტის იურიდიული ფორმა და დასახელება:	
	ხელმძღვანელის თანამდებობა, სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული მისამართი:	
	ბანკი:	
	ბანკის კოდი:	
	ანგარიშის ნომერი:	
2.	კომპანიის რეგისტრაციის (დაარსების) თარიღი:	

ვადასტურებ, რომ გავეცანი წინააღმდეგარე სატენდერო დოკუმენტაციას (ტექნიკური პირობები, ტექნიკური დავალება და სახელმწიფო შესყიდვის შესახებ ხელშეკრულების პროექტი) და ჩვენი გამარჯვების შემთხვევაში, თანახმა ვარ შევასრულოთ აღებული ვალდებულებები სატენდერო დოკუმენტაციაში მითითებული პირობების შესაბამისად.

ტენდერში მონაწილე პრეტენდენტის ხელმძღვანელის ხელმოწერა

ბ.ა.

ინფორმაცია შესყიდვაში მონაწილეობის მსურველი პირის 01.01.2006-დან
01.08.2016-მდე პერიოდში არსებული ანალოგიური ტიპის საპროექტო
გამოცდილების შესახებ

პრეტენდენტის დასახელება: _____

N	სამუშაოების დასახელება, ადგილმდებარეობა, სამუშაოების ტიპი	პროექტის დასახელება (რომლის გაფრგლებშიც დაპროექტდა აღნიშნული ობიექტი)	დამკვეთის დასახელება	დამკვეთის საკონტაქტო ინფორმაცია (მისამართი, ტელეფონი, ელ.ფოსტა)	შესრულების პერიოდი	პროექტის მოკლე აღწერა და ღირებულება	შენიშვნა
1							
2							
3							
.							
.							
.							
n							

ტენდერში მონაწილე პრეტენდენტის ხელმძღვანელის ხელმოწერა _____

ბ.ა.

ინფორმაცია ინფორმაცია შესყიდვაში მონაწილეობის მსურველი პირის ძირითად სპეციალისტთა კვალიფიკაციის და გამოცდილების შესახებ

პრეტენდენტის დასახელება: _____

N	სახელი და გვარი	პირადი ნომერი	პროექტის ფარგლებში დაკავებული პოზიცია	პროფესიული გამოცდილება (წელი)	დამატებითი ინფორმაცია
1					
2					
3					
...					
n					

შენიშვნა: მითითებული უნდა იქნას, წარმოდგენილი პერსონალიდან რომელი შესარულებს საპროექტო გუნდის ხელმძღვანელის ფუნქცია-მოვალეობებს.

ტენდერში მონაწილე პრეტენდენტის ხელმძღვანელის ხელმოწერა _____

ბ.ა.

საინფორმაციო ანკეტა

1. პირადი მონაცემები	
სპეციალისტის სახელი და გვარი	
პირადი N:	
საკონაქტო ინფორმაცია (მისამართი, ტელეფონი და ელ. ფოსტა):	
პროექტში დასაკავებელი თანამდებობა:	
დაბადების თარიღი (რიცხვი, თვე, წელი):	
მოქალაქეობა:	
2. განათლება	
განათლება (უმაღლესი სასწავლებელი, სწავლის დაწყებისა და დამთავრების წლები, ფაკულტეტი, სპეციალობა დიპლომის მიხედვით)	
მიღებული სერტიფიკატები (დასახელება, თარიღი)	
ტრენინგები (დასახელება, დაწყებისა და დამთავრების წლები)	
სამეცნიერო ნაშრომები (დასახელება, გამოცემის წელი)	
სხვა (გაერთიანებების, ასოციაციების, და ანალოგიურის წევრობა)	
3. საერთო პროფესიული გამოცდილება	
მუშაობის წლები: ორგანიზაციის ან კომპანიის დასახელება: საკონაქტო ინფორმაცია (მისამართი, ტელეფონი და ელ. ფოსტა): დაკავებული თანამდებობა: ძირითადი ფუნქციები:	1
	2
	3 და ა.შ.
4. ანალოგიური სამუშაოების საპროექტო მომსახურებაში არსებული გამოცდილება (იხსენა მხოლოდ ტექნიკური დავალების 4.1.3 პუნქტით განსაზღვრული N1 პოზიციაზე წარმოდგენილი სპეციალისტისათვის)	
პროექტის დასახელება: პროექტის ღირებულება: განხორციელების ვადები: განხორციელების ადგილი (ქვეყანა): განმახორციელებელი კომპანია: კომპანიის საკონაქტო ინფორმაცია (ტელეფონი და ელ.ფოსტა): დაკავებული თანამდებობა (მაგ. პროექტის ხელმძღვანელი ან პროექტის ინჟინერი): პროექტის მოკლე აღწერა:	1
	2
	3 და ა.შ.

შენიშვნა:

- პრეტენდენტის მიერ, წინამდებარე დანართის მე-3 ნაწილში წარმოდგენილი დეტალური მონაცემები სპეციალისტების პროფესიული გამოცდილების შესახებ, ჯამში უნდა შეესაბამებოდეს დანართი N3-ის შესაბამის სვეტში წარმოდგენილ მონაცემებს (პროფესიული გამოცდილება).
- საინფორმაციო ანკეტით წარმოდგენილი ინფორმაციის სისწორეზე სოლიდარული პასუხისმგებლობა ეკისრებათ პრეტენდენტსა და პირს (სპეციალისტი), რომლის შესახებაც არის წარმოდგენილი ინფორმაცია. შემსყიდველი უფლებამოსილია გადაამოწმოს მასში მოცემული ინფორმაციის სისწორე. საინფორმაციო ანკეტით წარმოდგენილი ინფორმაციის უზუსტობის შემთხვევაში, შემსყიდველი მოახდენს პრეტენდენტის დისკვალიფიკაციას. ამასთან, შემსყიდველი უფლებამოსილია მიმართოს საქართველოს კანონმდებლობით გათვალისწინებულ ღონისძიებებს პიროვნების თანხმობის გარეშე ინფორმაციის წარმოდგენის შემთხვევაში და მოახდინოს პრეტენდენტის დისკვალიფიკაცია.

სპეციალისტის ხელმოწერა _____

ტენდერში მონაწილე პრეტენდენტის ხელმძღვანელის ხელმოწერა _____
ბ.ა.

წინარე შეთანხმება

(პროექტი)

ერთხის მხრივ, ტენდერში მონაწილე პირი: -----
კომპანიის დასახელება და საიდენტიფიკაციო კოდი

(შემდგომში „კომპანია“) წარმოდგენილი: -----
წარმომადგენლობაზე უფლებამოსილი პირი

იღებს ვალდებულებას და მეორეს მხრივ, სატენდერო პირობების შესაბამისად, კომპანიის მიერ სპეციალისტად
წარმოდგენილი პირი: -----
სპეციალისტის სახელი და გვარი/პირადი ნომერი, სპეციალობა

(შემდგომში „სპეციალისტი“) თანხმდება, რომ ტენდერში -----
ტენდერის სახელი და უნიკალური ნომერი

„კომპანიის“ გამარჯვების შემთხვევაში, „სპეციალისტად“ წარმოდგენილი პირი იქნება დასაქმებული კომპანიაში და
კომპეტენციის ფარგლებში, პირადად განახორციელებს ტენდერით გათვალისწინებულ მომსახურებას.
(დადასტურება უნდა განხორციელდეს საპროექტო დოკუმენტაციის შტამში შესაბამისი ინფორმაციის დატანითა და
ხელმოწერით).

სპეციალისტის ხელმოწერა _____

ტენდერში მონაწილე პრეტენდენტის ხელმძღვანელის ხელმოწერა _____
ბ.ა.

ფასების ცხრილი

N	საპროექტო ობიექტის დასახელება	განახლებული საპროექტო-სახარჯთაღრიცხვო დოკუმენტაციის მომზადების ღირებულება ყველა ხარჯისა და გადასახადების გათვალისწინებით (ლარი)			
		ერთეული ღირებულება	გაუთვალისწინებელი ხარჯები (არანაკლებ 3%)	დღგ (18%)	ჯამი
1	შიდასახელმწიფოებრივი მნიშვნელობის ბათუმი (ანგისა) - ახალციხის საავტომობილო გზის (შ-1) ხულო - ზარზმის მონაკვეთის (ლოტი 1: ხულო - გოდერძის უღელტეხილი, დაახლოებით 29 კმ და ლოტი 2: გოდერძის უღელტეხილი - ზარზმა, დაახლოებით 17კმ) რეაბილიტაცია - რეკონსტრუქციისათვის მომზადებული საპროექტო დოკუმენტაციის განახლების მომსახურება				
სულ ჯამი:					

პრეტენდენტის ხელმოწერა:

ბ.ა.

ინფორმაცია დამატებითი მომსახურების შესახებ

(საჭიროების შემთხვევაში, სამუშაოები, რომლებიც არ შედის ძირითად საპროექტო მომსახურებაში)

დამატებითი მომსახურების დასახელება	განზომილება	ერთეული	რაოდენობა
საპროექტო და სატენდერო დოკუმენტაციების დამატებითი ვებგვერდების გამრავლება	ფურცელი	ცალი	
ხარჯთაღრიცხვების გადაანგარიშება	საპროექტო სამუშაოების ღირებულებიდან	%	
პროექტის კორექტირება	სარეაბილიტაციო სამუშაოების ღირებულებიდან	%	
თარგმანი ქართულიდან ინგლისურად და პირიქით	გვერდი	ლარი	
ცალკეულ ობიექტებზე საავტორო ზედამხედველობა	საპროექტო სამუშაოების ღირებულებიდან	%	
გარემოზე ზემოქმედების შეფასების დოკუმენტის შემუშავება	საპროექტო სამუშაოების ღირებულებიდან	%	
განსახლების სამოქმედო გეგმის შემუშავება	საპროექტო სამუშაოების ღირებულებიდან	%	

შენიშვნა:

შემსყიდველი იტოვებს უფლებას, შერჩევა-შეფასების ეტაპზე განიხილოს წინამდებარე ცხრილით წარმოდგენილი ფასების ადეკვატურობა. პრეტენდენტის მხრიდან აღნიშნულის შესახებ შეუთანხმებლობა განხილული იქნება როგორც წარმოდგენილი ტექნიკური დოკუმენტაციის შეუსაბამობა სატენდერო პირობებთან, რაც გამოიწვევს პრეტენდენტის დისკვალიფიკაციას სახელმწიფო შესყიდვების სააგენტოს თავჯდომარის 2015 წლის 22 მაისის N7 ბრძანებით დამტკიცებული „ტენდერის მეშვეობით საპროექტო მომსახურების სახელმწიფო შესყიდვის წესი და პირობების“ მე-13 მუხლის პირველი პუნქტის (ბ) ქვეპუნქტის საფუძველზე.

ტენდერში მონაწილე პრეტენდენტის ხელმძღვანელის ხელმოწერა

ბ.ა.

ინფორმაცია პრეტენდენტის მიერ მიმდინარე სამუშაოების ფარგლებში
გამოყენებული ქვეკონტრაქტორების შესახებ

პრეტენდენტის დასახელება: _____

N	ქვეკონტრაქტორის დასახელება	საიდენტიფიკაციო კოდი	ქვეკონტრაქტორის საკონტაქტო ინფორმაცია (მისამართი, ტელეფონი, ელ.ფოსტა)	ქვეკონტრაქტორის მიერ შესასრულებელი სამუშაოების დასახელება	ქვეკონტრაქტორის მიერ შესასრულებელი სამუშაოების წილი %- ში
1					
2					
3					
.					
.					
.					
n					
ჯამი					

ტენდერში მონაწილე პრეტენდენტის ხელმძღვანელის ხელმოწერა _____
ბ.ა.

ქვეკონტრაქტორი კომპანიის ხელმძღვანელის ხელმოწერა _____
ბ.ა.

ხელშეკრულების შესრულების საგარანტიო უზრუნველყოფა

(უპირობო საბანკო გარანტია)

ვის:

(შემსყიდველის დასახელება)

მხედველობაში ვიღებთ რა, რომ _____ (შემდგომში - „მიმწოდებელი“)

(მიმწოდებლის დასახელება, საიდენტიფიკაციო კოდი)

(ტენდერის დასახელება)

ტენდერში წარდგენილი თავისი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთაღნიშნული გარანტია.

ამასთან,დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და უპირობოდ ვკისრულობთ ზემოაღნიშნული თანხის გადახდას თქვენი პირველივე მოთხოვნისთანავე (**არაუგვიანეს 10 საბანკო დღისა**), თქვენს მოთხოვნაში მიმწოდებლის მიერ ხელშეკრულების პირობების დარღვევის თაობაზე მითითების საფუძველზე, თქვენი მხრიდან მოთხოვნის ან მოთხოვნილი თანხის დასაბუთების საჭიროების გარეშე.

წინამდებარე გარანტია ძალაშია _____

გარანტების ხელმოწერა და ბეჭედი _____

(თარიღი)

(მისამართი)